

通鑑前編

通鑑前編

通鑑前編序

通鑑前編者仁山先生之所著也
先生姓金氏諱頌祥字吉甫
婺州蘭溪人自言世李項氏其
先項伯入漢以恩賜姓曰劉豎
五季吳越有國避武肅王嫌名
從文更為金氏先生多知嚮方
長而好學天文墜形禮樂刑去

田乘兵謀陰陽律曆之書靡不
畢究及壯事文憲王先生柏從
登文定何先生基之門講貫愈
精造詣益邃何先生蓋受業於
黃文肅公幹文肅公則朱子之
高弟弟子也先生嘗一舉進士
不利遂絕意進取以布衣游諸
公間率以文義相處當宗季子

睹國勢阽危慨然欲以奇策匡
濟為在位所沮議格弗上其語
祕不傳然當時計畫之士咸歎
其策不用德祐初以迪功郎召
解巾褐入中書館編校蓋將漸進
用之而國已不可為矣中年以
來遺落世務築居仁山之下顓
以講學著書為事訓誘學者諄

諄不倦言論風指皆可誦法先生神勁而清氣候明潔平居獨處終日儼然至與物接則盎然和憚閨門之內相敬如賓生平薰於分義有故人子坐事母子俱繫奚官其後分配為隸子母不相知生死者垂十年先生傾貲營贖卒贖以完其子後貴先

生終不自言相見勞問辛苦而已聞者莫不歎息方從王先生時與同舍生夜步庭中指謂之曰某星入某次某分野當有某變已而果然鄆人李某者嘗侍坐於先生言次及其鄉里先生因厯厯為言其山川風土物產之宜如指諸掌某大驚服先生

之於學其精博類如此所著述
有書表註論語孟子集註攷證
大學章句疏義行於世文集如
千卷藏於家先生嘗謂司馬文
正公作資治通鑑秘書丞劉恕
作外紀以記前事顧其志不本
於經而信百家之說是非既繆
於聖人此不足以傳信自帝堯

以前不經夫子所定固野而難
質夫子因魯史以作春秋始於
魯隱之元寔周平王之四十九
年也然王朝列國之事非有王
帛之使則魯史不得而書非聖
人筆削之所加况左氏所記或
闕或誣凡若此類皆不得以辟
經爲辭廼用邵氏皇極經世曆

胡氏皇王大紀之例損益折衷
一以尚書為主下及詩禮春秋
旁採舊史諸子表年繫事復加
訓釋斷自唐堯以下接于通鑑
之前勒為一書名曰通鑑前編
凡有十八卷舉要二卷既成以
授門人許謙曰二帝三王之盛
其微言懿行宜後王所當法戰

國申商之術其苛法亂政亦後
王所當戒自周威烈王二十三
年以後司馬公既已論次而春
秋以前迄無編年之書故是編
不可以不著也先生之歿今二
十有五年矣是書雖存世亦莫
能知者謙永懷夙昔之語言獨
抱遺編而太息門人御史臺都

事汝南郭炯為南臺御史日嘗
欲刊行是書有志而未果今

肅政廉訪使平陽鄭公允中爰
始解駮聿崇正學尚論格人章
明善道載閱是編三復嘉歎謂
宜立於學官傳之後世迺詢之
監憲左吉公亦克欣贊暨僚列
賓佐罔不協從亟命有司鋟諸

文梓共捐秩祿以佐其費願功
告備將表上送

官而命謙為之序謙深惟先生以
高明之學負經濟之才生於季
末道不克用暨

運啓休明則年既老矣其所著述
間已獲行於世惟是編之作廣
博精密凡帝王經世之大猷聖

賢傳道之微旨具在是矣或者
得以充

延閣之儲備

乙夜之覽庶幾發揮

聖學啓沃

淵衷裨

國家稽古之治為生民無窮之澤
則先生為不朽矣謙不佞不足

以明先生之心繫盛德之蘊敢
纂錄先生行事之大略以標諸
卷首若夫著作之意則已備於
先生所自序茲不詳述天曆元
年十有二月庚子門人金華許
謙謹序

通鑑前編

表

言臣采錄到金華儒士金履祥撰
次通鑑前編十八卷舉要二卷官
為鋟梓裝褙成二十冊隨表上
進者伏以帝王之制坦然明白章
往聖方冊之具存

日月所照莫不

尊親矧

昭代車書之盛際欲仰賞

綰熙之學願下采謏聞之言如螢
爝謗附於

大明而蹄涔何增於

鉅海深懷懇悃祇重震兢臣誠惶

誠恐頓首頓首竊惟左史書事右

史書言自昔紀載之難備前王為

律後王為令厯代因革之異宜學

者將博古以明經史官必表年以